



Paracetamolesko xasnipe (folosipe, polzipe) te preventis thaj sastares uči jag palal MenB vaksinacija

Mure bebeske sas leske akana so kerdi e MenB vaksina, so me trubul te ašugjarav akana?

Uči jag šaj avel ašugjardi palal sisavi vaksinacija, ama si maj normalno kana e MenB vaksina (Bexsero) si dindi avere rutinale vaksinenca ka 8 thaj 12 kurke. Bi paracetamolesko, maj but katar e opaš andar e bebetura ka barjaren uči jag palal kadala vaksine. E uči jag lel te barjol turjal 6 časura palal e vaksinacija thaj si pašal sako ekh var (drom, devri) te avel totalno peravdi palal 2 givesa. E uči jag sikavel kaj e bebeski imunaki sistema reagiril ka e vaksina, date o nivelo andar e uči jag ka dipendil (zavisil) andar sako ekh čhavo thaj ni sikavel sode (kozom, keci, kobor) lače e vaksina ka garavel (protektil) kire bebe.

Sar me te cyknjarav o risiko andar e uči jag?

Paracetamolesko dipe sigate palal e vaksinacija – thaj te na ašugjares e jagake te barjol – ka cyknjarel o risiko kire čhavesko te avel le uči jag. E paracetamolesa, maj cyra (zalaga, xancy, frima, xari) katar 1 ande 5 čhave ka vazden uči jag thaj pašal sa andar kadala si len cyra temperatura (telal 39°C). O paracetamolo ka cyknjarel o šanso kire bebeske te avel iritime aj dukhcyrdel diskomforto (sar e dukh ando than e indžekcijako).

Savo paracetamolesko produkto trubul me te xasnisarav (folosisarav, polzisarav)?

Tu trubul te xasnisares oralno **čhavengo paracetamolo. Kadava paracetamolo avel ande panjali forma te xasnindol e bebetonenge thaj cykne čhavage. Les si les e zor andar 120mg/5ml.**

Te tu inke ni lan tuke e bebetonengo paracetamolo te avel tut khere, tu trubul te les tuke katar kiri lokalno drabalin (apteka, farmacija) aj supermarketo (dukjano, magazin) te šaj (daštis, može) te des e ekhtoni (pyrvo) doza andar o paracetamolo ekh časo palal e vaksinacija. Si varesave produkte te alosares andar (andrethode botelja thaj pakatura) ama (abo, no, dar) o tipo savo trubul pe si e bebetonengo paracetamolo 120mg/5ml.

(Noticija (beležka): Cykne čhavengo paracetamolo (6 thaj upral beršenge) si maj zoralo katar o bebetonengo paracetamolo (250mg/5ml) thaj ni trubul te xasnil pe ande bebetura).

Palal save vaksinacije trubul me te dav mure bebe paracetamolo?

Paracetamolo si mišto te des kire bebe palal e MenB vaksinacije. E MenB vaksina si normano dindi ka kire bebeski ekhto thaj dujto imunizacijake časura kana vov si 8 thaj 12 kurkengo.

O paracetamolo ni trubul te del pe regularno palal e Men B booster vaksina savi si kerdi ka leske 12 čhon. Pe kadala čhona e bebesko risiko andar e uči jag si o ekhsavo palal aver vaksine.

Sode paracetamol trubul te dav?

Ekh totalo andar e 3 doze andar 2.5ml (60 mg) andar o paracetamol si rekomendime (preporučime) te del pe palal e MenB vaksinacija. Tu trubul te des e ekhto doza pe e vrjama e vaksinati aj sogodi maj sigo šaj palal gadava.

Tu trubul te des atoska e dujto doza andar o paracetamolo turjal 4 ži ka 6 časura palal thaj ekh trinto doza 4 ži ka 6 časura palal gadava (dikh e tablica).

E 2.5ml doza trubul te avel merime thaj dindi aj kaj xasnisarel pe ekh sprincovka aj ekh 2.5ml roj (kadava si principno o cykno agor/krajo e rojako savi si dindi ando paketo).

E biphake (prematur) bebetonenge (kon si bijande angal e 32 kurkengi gestacija), o paracetamolo trubul te avel dindo receptasa katar o sastaravno (doktoro) bazime pe e bebesko pharipe (kilogramura) pe e vrjama kana kerdol pe e vaksina. Tu trubul te dikhes so ka phenel tuke kiro sastaravno thaj te keres e instrukcije save si pe e recepta.

O dozipe thaj e vrjama kana te dindol pe e bebetonengo paracetamolo (120mg/5ml) palal e primarne MenB vaksinacije (principno kana vov si maškaral 8 thaj 12 kurkengo)

Bebeske berša	Ži ka 6 čhon (pricipno kana vov si maškaral 8 thaj 12 kurkengo)
Doza 1	Ekh 2.5ml (60 mg) doza sogodi šaj maj sigo palal e vaksinacija
Doza 2	Ekh 2.5 ml (60 mg) doza 4 ži ka 6 časura palal e ekhto doza
Doza 3	Ekh 2.5 ml (60 mg) doza 4 ži ka 6 časura palal e dujto doza

O gogidipe ande kadava buletino trubul te kerdol sade (numa, ferdi, samo) te kire bebske sas leske kerdi e MenB vaksina. Te kire bebes si les uchi jag pe sisavi aver vrjama tu trubul te keres e instrukcije thaj e dozako gogidipe savo si pe e produktusko paketo thaj e pacientosko informativno buletino.

So te kerav te mure bebes inke (važe) si les uchi jag palal te kerdol pe leske e 3 doze andar o paracetamol?

Varesave bebetura šaj inke barjaren uchi jag palal e vakcinacija, i palal kaj sas lenge dinde 3 doze andar o paracetamolo. Maškaral 48 časura palal e vakcinacija, te kire bebes inke si les uchi jag, ama averčanende si lače, tu šaj lungjavos (kontinuis, produlžines) te des kire bebe e ekhsavi 2.5ml doza (60mg) andar e bebetonengo paracetamolo (120mg/5ml).

- **Tu trubul sakodevri te mukhes minimum 4 časura maškaral e doze thaj nisar te na des maj but andar e 4 doze ande sisave 24 časura.**

Tu trubul i te inkjares kire bebe ando cyra syl kaj siguris kaj les naj but gada (šeja, xrumuta, pate) aj ucharinale upral leste, thaj de les but te piel pani. Te kiro bebe si chuči dindo, maj lače si te des les chučhako thud.

- **Te tu san samali (grizome) andar kire bebesko sastipe pe sisavi vrjama, atoska (atundž, togava) pakja ande kire instiktura thaj dumade kire sastaravnesa aj akhar NHS 111 ande Anglija thaj 0845 46 47 ando Uels te les gogi.**
- **Te kire bebe si inke uchi jag majbut andar e 48 časura palal e vakcinacija tu trubul te dumades (vakeres, konušides, sboris) kire sastaravnesa aj akhares NHS 111 ande Anglija thaj 0845 46 47 ando Uels te les gogi.**

Aver normalno pušlinde pušimata:

Trubul te žungavav mure bebe te dav les o paracetamolo?

Tu sakodevri trubul te zumaves (probis) te des e ekhto doza andar o paracetamolo sogodi maj sigo šaj palal e MenB vaksina. Ama te kiro bebe sovel kana e avertone doze trubul te den pe, na žungav les. Tu šaj des les kana o bebe žungadol sogodi minimum 4 časura nakhle maškaral sako ekh doza.

Si mišto te del pe o paracetamol cykne bebetonenge?

O paracetamol si aprobime (odobrime) te kontrolil pe e uchi jag ande čhave kon si 2-je aj upral čhonenge. E pacientosko informativno buletino savo avel e paketosa šaj phenel kaj e čhave maškaral 2 thaj 3 čhon trubul sade te aven dinde 2 doze angal te dumadel pe e sastaravnesa aj e drabdavnesa (farmaceutosa, aptekaresa).

Date o paracetamolo si siguro te del pe bute cykne čhavege, o gogidipe ando paketo si kerdo te na e bijanutne (roditelja, parince) den paracetamol ekhe čaves kas si les bižangli uchi jag. Gasavi uchi jag šaj avel signalo andar ekh seriozno infekcija thaj kaj sastarel pe kadaja bute lungone vrjamake, kadava šaj te palpalil e bijanutnes te rodel medikano dumodipe (žutipe, pomošt).

Kaj e uchi jag palal e vakcinacija si normalno, ama, ekspertura gogidinde kaj si mišto te des o paracetamolo ži ka 48 časura palal e MenB vaksina bite rodel pe medikano gogidipe.

Uchi jag maškaral kadaja vrjama si but maj probabilno te avel kauzime (andini) katar e vaksina sode e indžekcija. O paracetamolo ka kerel kire bebes te serel pes maj mišto, thaj naj risiko andar upral-doza sade kana tu ni des les majbut andar e 4 drom andar e 2.5ml doze ande sakoech 24 časura.

Soske si andre ande e fabrikantosko pacientosko informativno buletino (PIB) ververime (različno, diferime) informacija?

Tu šaj arakhes e pacientosko informativno buletino (PIB) ando o paketo e paracetamolesko savo tu kines. O PIB ando bebetonengo paracetamolesko paketo 120mg/5ml šaj del ververime dozimaske instrukcije katar e ekspertongenenge rekomendacije palal e MenB vakcinacija. Kate, ande kadava buletino, ame das e informacija andar e specifikane rekomendacije andar o paracetamolesko xasnipe palal te kerdol pe e MenB vakcinacija. Andar sa e informacija andar e paracetamolesko produkto, khamas tutar te dikhes so phenel e fabrikantosko PIB.

Trubul les mure bebes paracetamol ekhe boostere vakcinacijenca kana ka kerel 12 čhon?

Ži ka 12 čhon, kire bebesko risiko andar e uchi jag palal e MenB vaksina si e ekhsavi sar si e avere vaksinenca. Tha, kiro bebe ni trubul te lel 3 doze andar o paracetamolo e rutinale vaksinenca save kerdon pe ži ka 12 čhon. Ama, te kire bebes si les uchi jag khere aj sikavdol pes kaj si leske bilače, tu šaj des kire bebe bebesko paracetamolo kaj xasnisares e doza savi si normalno leske beršengi thaj si phendino ande instrukcije save si dinde ando paketo.

O gogidipe te del pe e bebetonen, kon si maškaral 2 thaj 3 čhonenge, majbut andar e 2 doze andar o paracetamolo, sade šaj del pe palal te kerdol pe e bebeske leski MenB vaksina. Te kire bebes si les uchi jag pe sisavi aver vrjama, tu trubul te keres e instrukcije thaj e dozako gogidipe savo si pe e produktusko paketo thaj po pacientosko informativno buletino.



www.nhs.uk/vaccinations